



ԲԱՑ  
ՕԼԻՄՊԻԱԴԱ

ՀԱՆՐԱՊԵՏԱԿԱՆ ՀԱՆՐԱԿՐԹԱԿԱՆ ԲԱՑ ՕԼԻՄՊԻԱԴԱ

2023-2024

Մայրենի (7-րդ դասարան)

Անուն Ազգանուն \_\_\_\_\_

Դպրոց \_\_\_\_\_

Դասարան \_\_\_\_\_ Խումբ \_\_\_\_\_

Արքայական խոսքը մեր կմա հավետ...

Վահան Տերյան

### 1. Սիրելի՛ բարեկամ, ուշադի՛ր կարդա տեքստը:

Իշխանի ու հարուստի որդիները մտերմացան և դուրս եկան իրենց ոստանից՝ աշխարհ շրջելու: Գնացին հասան մի բերդի դռան: Տեսան, որ դարպասից շատ մարդու գլուխ էր կախված: Ապշահար ու զարհուրանալով մտան ամրոց: Ընդառաջ եկած ծառան նրանց տարավ պալատ՝ թագավորի մոտ:

Արքան երկու հյուրերին շատ սիրալիք ընդունեց, խրախճանքի սեղան բացեց, հյուրասիրեց նրանց համադամ խորտիկներով, ընտիր գինով, աղանդերով: Երբ հարուստի որդին մի պահ դուրս ելավ խնջույքի սրահից, թագավորը իշխանի որդուն ասաց.

— Դու թագավորի ես նման, իսկ այդ ընկերդ անարգ և ստոր մարդ է երևում, դու այդպիսի ընկերոջ հետ ինչո՞ւ ես մտերմություն անում:

— Թագավո՛ր,— պատասխանեց իշխանագունը,— ի՞նչ պակասություն ասես, ես ունեմ, բայց ընկերս իմ ամենից սիրելի մարդն է. մինչև կյանքիս վերջը ծառայելու եմ նրան:

Երբ հարուստի տղան ներս մտավ, դուրս ելավ իշխանի որդին: Եվ թագավորը նույն բանը մեծատունի որդուն ասաց:

— Ո՛վ արքա, — պատասխանեց հարուստի տղան,— ես նրա անարժան սպասավորն եմ:

Տեսնելով նրանց ընկերասիրությունը և անձնվիրությունը՝ թագավորը շատ ընծաներ տվեց և խաղաղությամբ ճանապարհ դրեց ընկերներին:

— Թագավոր,— հարցրին նրան նախարարները,— քեզ մոտ եկած բոլոր հյուրերին մեծարեցիր և երեք օր հետո կտրել տվիր գլուխները: Պատճառն ի՞նչ է, որ այս երկու հյուրերին նվերներով ճանապարհ դրիր:

2. **Քո կարծիքով ի՞նչ պատասխանեց արքան: Նրա պատասխանը գրի՛ր երկու նախադասությամբ** (2 միավոր):

-----  
-----  
-----

3. **Տեքստում գտի՛ր և դո՛ւրս գրիր իրար հոմանիշ բառերի գույգեր** (3 միավոր):

-----  
-----  
-----  
-----  
-----  
-----  
-----

4. **Տեքստում գտի՛ր և դո՛ւրս գրիր այս բառակապակցությունների իմաստն արտահայտող բառերը** (3 միավոր):

- ճաշից հետո մատուցվող քաղցր ուտելիք -----
- Համեղ, ընտիր կերակուր-----
- Իշխանի զավակ-----
- Սարսափի և ահի զգացում-----
- Թագավորանիստ քաղաք կամ մայրաքաղաք-----
- Հավատարմությամբ մի բանի կամ մեկին նվիրված լինելը-----

5. **Տեքստում գտի՛ր և դո՛ւրս գրիր նույն արմատն ունեցող բառերը, բառերը վերլուծի՛ր բառակազմորեն, ընդգծի՛ր այդ արմատը** (2 միավոր):

-----  
-----

6. Տեքստում գտի՛ր և դո՛ւրս գրի՛ր ուրախ, ուշ, ամուր, շուրջ արմատներն ունեցող բառերը. այդ արմատներով մեկական բառ էլ դո՛ւր գրի՛ր (4 միավոր):

7. Անդավաճան ընկերության մասին առա՛կ հորինի՛ր: Վերնագրի՛ր առակը (6 միավոր):



